

國醫學院講義教材

——小兒科合訂冊——

◀ 一卷 ▶



(96)

新國醫講義教材

小兒科

(卷一)

小兒科雜治

初生去毒開口法 小兒初離母體，口有液毒，形如血塊，啼聲一出，隨即嚥下，而毒伏於命門，他日發爲驚熱瘡疾惡痘等症，須於未啼時，急用絲棉裹指，挖出口內濁穢，以清臟腑。(又方)新產小兒，飲食未開，胃氣未動，是混一清虛之府，以甘草細切少許，將潔淨細絹包裹，用滾開水泡浸蓋內，不宜太甜，乃用軟帛裹指，蘸汁，徧拭口中，去其穢濁，隨用胡桃肉(一名核桃)去皮研極爛，以稀絹或薄紗，包如小棗，納兒口中，任其吮汁，吮盡方可食乳，非獨和中，且能養臟，最佳法也。(又方)熟軍，枳殼，歸尾，生甘草，各五分，紅花，三分，桃仁，三分，此藥須早預備，兒初生時，即以水一茶鐘，煎至半鐘，以新棉花一塊，放藥水內，泡透，取出裹指上，納兒口中吮之，再泡再吮，不吮則已，過片時小兒解下黑糞，再與吮之，以糞色不黑爲止，此藥必於下地六個時辰內服之，服後方可食乳，此方最能去毒免疾有益無損。(又方)凡小兒落地時，燒橄欖核一枚存性，研末，珠砂五分，和勻嚼生芝麻一口，津吐和藥，絹包如棗核大，安兒口中，待咽一時頃，方可與乳，此藥取下腸胃穢毒，令兒少疾，出痘亦稀少也。(又方)淡豆豉，甘草(各三錢)煎成濃汁，屢屢與食，以一酒盞爲度，其毒自下又能助養。



氣，且免驚風。(又方)若母體氣素寒，小兒清弱者，及產時生遲慢，致受風寒者，兒必面色晁白，唇色淡紅，只以淡薑湯服之，最能去胃寒，通神明，並可免吐瀉之患，此法最妙，人所未知，服後仍照各前方治之。

保嬰各法 凡天寒孩兒生下不哭或已哭不響，宜急用衣物包裹，再用香油紙燃，將臍帶艾火炙斷，使煖氣入腹，漸漸作聲而活，倘或剪斷臍帶，氣絕死矣，有悶臍生者，兒糞門有一膜，閉住其氣，故不能出聲，當以手微拍之，則膜破而能哭，如拍之不破，須用女人之輕巧者，以銀簪輕輕挑破，或不能挑者，急用煖衣緊包，勿令散放，用藥水浸其衣胞，天寒則加火熱之，久則熱氣內鼓，其膜自破，出聲而甦，兒生三日，有於髮際中間炙者，乃灸其風路也，然此法因西北地土多寒，故宜，若東南地土多溫，斷不宜灸，兒生次日即看口中上腭，有白泡點子，即以銀針輕輕刮破，將泡內白米取出，勿令落入喉中，仍以墨陳墨擦之，如次日不取，則泡堅難破，慢事，又有馬牙，在牙齒上，白點如碎米，亦須急急挑出，以墨擦之，間日再看，再生再挑，兒生三日相傳洗三，若受風寒，臍風由此而起，雖夏日亦宜避風，冬日宜慎之又慎，况初生亦宜戒浴，欲其勿受外邪也，兒生下時，欲斷臍帶，必以蘄艾，一小丸，用香油浸濕，熏燒至焦方斷，其束臍用軟棉帕裹束，勿令兒尿濕臍，此預防臍風第一要法也，小兒臍帶落下，即用淨板刷洗，將臍帶取置新瓦上，用炭火四圍燒至烟將盡，取出安置新瓦上，用碗蓋之，存性，研爲細末

將透明硃砂研末水飛過，加臍帶灰四分，用硃砂二分和勻，蜜糖拌，塗乳婦乳頭上，令兒吮食，使穢氣胎毒，即從大便遺下，個個保全，此延生妙法，臍帶內有蟲，當去之，小兒初生，兩乳必有核子，以散爲度，否則腫硬成毒，啼哭不已，如初生洗浴時，即將兩乳揉去乳汁命其核自消，小兒初生，每日用茶加鹽少許，蘸拭其口二三次，此法至穩至妙，世多忽之，不知兒之胎毒，從粘涎中抹去，可免疳腮，馬牙鵝口重舌木舌等症，至簡至易之良方，倘兒面唇色淡，以淡薑湯代茶鹽湯可也，月內小兒，不可聞啼即抱，一啼便乳，須常令啼哭則胎中所受熱毒，從此而散，胎中驚氣，從此而解期月之間，無重舌木舌口噤胎風胎熱之病，小兒同母睡時，切忌鼻風口氣吹兒顙門，恐成風疾，初生小兒，形骸雖具，筋骨甚柔，氣質未實，猶之木之柔條軟梗，可使或曲或直，或俯或仰也，故百日之內，不可豎抱，豎抱則易於悲驚，且必頭傾項軟，有天柱倒側之虞，半歲前不可獨坐，獨坐則風邪入背，脊骨受傷，有龜背偏癆之疾，慎之，兒生兩月後，若遇晴和天氣，令乳母抱兒時見風口，則血氣剛強，肌肉緻密，可耐風露，若厚衣煖被，藏於重幃密室，則筋骨軟脆，不耐風寒，多易致病所以貧兒堅勁無疾，富兒柔脆多災，譬諸草木方生，以物蓋緊密，不令見風日雨露，則萎黃柔弱矣，小兒衣裳，須七八十歲老人舊衣改作，令小兒多壽，雖富貴之家，切不可新製綾羅縫裳，凡受客宴賀，猶戒殺生，小兒四五個月內，只與吃乳，六個月後，方可哺稀粥，週歲以前，切不可吃葷腥油膩生冷，兩三歲後，纔與葷腥，切忌食肉太早，食

後不可與乳，乳後不可與食，凡哭笑之後，莫即與乳，洗浴當護兒背，風寒皆自背心入，防成痢風，故忌多浴，洗浴又須掩好肚臍，勿令潮濕，恐生撮口臍風，倘臍中有濕，將大紅呢燒灰，摻上紮好，小兒無病，切忌服藥，免致錯舛誤事，兒衣服自初生至十歲，不可夜露，又有烏名天地如，一名隱飛鳥，最喜陰雨，夜過落羽人家庭簷，置兒衣中，令兒成痢病，如衣經夜露，可即用醋熏之，剃頭須就暖處，剃後用薄荷，三分，杏仁，去皮尖三枚，搗爛，入生麻油三四滴，和勻拌頭上擦之，可避風邪。小兒四五歲，只會叫人不能言語以真赤小豆(查藥物學)研末酒調塗於舌下二三次，即能說話。(亦有言語天然遲者不必施治)

岐真人兒科祕法 山根之上，有青筋直現者，乃肝熱也，用——柴胡，半夏各三分，白芍，茯苓各一錢，當歸，白朮各五分，山查肉三粒，甘草一分，水煎服，山根之上有青筋橫現者，亦肝熱也，但直者風上行，橫者風下行，亦用前方多加，柴胡二分，麥芽一錢，乾薑二分，有紅筋直現者，乃心熱也，亦用前方加黃連一分，麥冬五分，桑白皮三分，天花粉二分，去半夏不用，有紅筋斜現者，亦心熱也，亦用前方加黃連二分，去半夏不用，蓋熱極於胞中也，或加桑白皮，花粉，黃筋現於山根，或皮色黃者，不論橫直，總皆脾胃之症，或水瀉或上吐，或下瀉，或腹痛，或不思飲食今定一方，皆可服之，無不神效，白朮，茯苓各五分陳皮，黨參，麥芽各二分，神麴，甘草各一分水一鍾，焦半盞，分二次服，有痰加半

夏一分或白芥子三分，或花粉三分，有熱若口渴者，加麥冬三分，黃芩一分，有寒加乾薑一分，如吐者加白豆蔻一粒，瀉者加猪苓五分，腹痛如小兒自家捧腹是，須用手按之，大叫呼痛者，乃食積也，加大黃三分，枳實一分，如按之不痛不呼號者，乃寒也，再加乾薑三分，如身發熱者，此方不可用。

夏禹鑄審小兒顏色苗竅法 內有五臟心肝脾肺腎也，五臟不可望惟望五臟之苗與竅，舌乃心之苗，紅紫心熱也，腫黑心火極也，淡白虛也，鼻準與牙牀，乃脾之竅，鼻紅燥脾熱也，慘黃脾敗也，牙牀紅腫熱也，破爛胃火也，唇乃脾之竅，紅紫熱也，淡白虛也，黑者脾將絕也，口右扯肝風也，左扯脾之痰也，鼻孔肺之竅，乾燥熱也，流清涕寒也，耳與齒乃腎之竅，耳鳴氣不和也，耳流膿腎熱也，齒如黃豆，腎氣絕也，目乃肝之竅，直視而睛轉者風也，直視而睛不轉者，肝氣將絕也，以目分言之，又屬五臟之竅，黑珠屬肝，純見黃色，凶證也，白珠屬肺，色青肝風傷肺也，淡黃色脾有積滯也，老黃色乃肺受濕也，瞳人屬腎，無光彩，又兼髮黃，腎氣虛也，目外角屬大腸破爛肺有風也，目內角屬小腸破爛有心熱也，上胞屬脾，腫則脾傷也，下胞屬胃，青色胃有風也，睡而露睛者脾有熱也，小便短黃澀痛，心熱也，清長而利，心虛也，唇紅而吐胃熱也，唇慘白而吐，胃虛也，唇色平常而吐，作傷胃論，大腸閉結，肺有火也，肺無熱而便秘，血枯也，不可攻下，脫肛肺虛也，口苦，膽火也，聞聲作驚，肝虛也，又面有五色，面紅病在心有熱，面青病在肝多腹痛，面黃病在脾脾傷，面白病在肺中寒，面黑病在腎，黑而無潤

色腎氣敗也，望其色若異於平日，而苗竅之色，與面色不相符，則臟腑虛實，無有不驗者矣。

兒科外治法 疎表法，小兒發熱不拘風寒飲食時行痘疹，以葱一握，搗爛取汁，少加麻油在內和勻指蘸葱油，摩運兒之心口頭頂背脊諸處，每處摩擦十數下，運完以厚衣裹之，蒙其頭，略疎微汗，但不可令其大汗，此法最能疎通腠理，宣行經絡，使邪氣外出，不致久羈營衛，而又不傷正氣，誠良法也，清裏法，小兒發熱二三日，邪已入裏，或乳食停滯，內成鬱熱，其候五心煩熱，睡臥不安，口渴多啼，胸滿氣急，面赤唇焦，大小便秘，此爲內熱，以雞蛋一枚，去黃取清，以碗盛之，入麻油約與蛋清等，再加雄黃細末一錢，攪勻，復以婦女頭髮一團，蘸染蛋清，於小兒胃口拍之，塞天以火烘暖，不可冷用，自胸中推至臍口，只須推半時之久仍以頭髮敷於胃口，以布紮之，一炷香久取下，一切諸熱，皆能退去，蓋蛋清能滋陰退熱，麻油雄黃又能拔毒涼肌故也，此身有熱者用之，倘身無熱，惟啼哭焦煩，神志不安者，不用蛋清，專以麻油雄黃亂髮推之，仍敷胃口即時安臥，屢試屢驗，解煩法，凡小兒實熱之症，及麻症，毒甚熱甚者，其候面赤口渴，五心煩熱，啼哭焦擾，身熱如火，上氣喘急，揚手擲足，一時藥不能及，用水粉一兩，以雞蛋清調勻略稀，塗兒胸口，及兩手心，復以釀酒小麴十數枚研爛，熱酒和作二餅貼兩足心，用布紮之，少頃其熱散於四肢，心內清涼，不復啼擾，或用雞蛋清調綠豆粉貼足心亦佳，開閉法，凡小兒風痰閉塞昏迷不醒藥不能入，其至用艾火灸之，亦不知痛者，蓋因痰塞其脾之大絡，截其

陰陽升散之隧道也，原非死症，用生薑蒲生艾葉生薑葱各一握，共搗如泥，以麻油好醋同煎，四味炒熟，布包之，從頭頂背胸四肢，乘熱往下熨之，其痰亦豁然而醒，此方不特治小兒，凡閉症皆效，引痰法，凡小兒痰嗽上氣喘急有升無降，喉中牽鋸之聲，須引而下行，用生礬一兩研末少人麪粉（米粉引可）蓋生礬見醋卽化成水，入麪紛取其膠粘故也，好醋和作二小餅，貼兩足心布包之，一宿，其痰自下，通脈法，凡小兒忽爾手足厥冷此由表邪閉其經絡或風痰阻其榮衛又或大病後陽不布和，散於四肢，速用薑煨熟，搗汁半小杯略入麻油調勻，以指蘸薑油塗兒手足，往下搓挪，以通其經絡俟熱回以指拭去，煖痰法，凡小兒胸有寒痰，不時昏絕，醒則吐出如綠豆粉，濃厚而帶青色此寒極之痰，前法皆不能化，惟有生附子一枚，生薑一兩，同搗極爛，炒熱一包，熨背心及胸前，熨完，將薑附捻成一餅貼於胃口，良其痰自下，納氣法，凡小兒虛脫大症，上氣喘急，真氣浮散，不得歸元，諸藥莫效，用吳茱萸五分酒和作餅，封肚臍，以帶包之其氣自順，定痛法，凡小兒胸中飽悶、臍腹疼痛，一時不得用藥，將食鹽一碗，鍋內炒極熱，布包之，向胸腹從上熨下蓋鹽走血分，最能軟堅，取以止痛，冷則又炒又熨，痛定乃止，此方男婦氣痛皆可治。

小兒初生面紅啼哭不止 此極熱也，宜急治之，如過三日難治，用，枳殼，梔子炒扁柏葉炒川連各三分，黃柏二分，薄荷四分，水煎去渣，入蜜糖四茶挑和勻，以鴨毛點舌上下兩旁數次，面色變淡紅色者可止

，或用吳茱萸四錢，好醋調敷兩足心日換數次，過一夜即愈，此法最妙。

晝啼不止 台烏藥一錢，煎水服，神效。

夜啼不止 多因穿蓋過暖，加以父母同床，熱極所致，諺云，若要小兒安，常帶三分饑與寒，取雞糞塗兒臍中。（男用雄雞糞女用雌雞糞極妙）（又方）硃砂磨新汲水塗心窩及兩手足心五處，最驗（又方）蟬退（七個去頭足取下半截炒）研末，以薄荷二三分煎水調服，立止如神，如若不信，將上半截爲末與服，復啼如初矣，若諸方不效，仍復夜啼，看面色青白手冷者，用，川芎，當歸，茯苓，茯神，白芍，甘草，木香，鉤藤，紅棗引煎服，面赤唇紅身熱者，生地黃芩生甘草木通燈心竹葉引煎服，或用前吳茱萸敷足法妙，面赤唇紅者方可用，（又方）面赤心熱者，用青黛二分，燈心十莖煎服，（又方）燈花五朵，研末塗娘乳上，令小兒吃乳，（又方）五倍子研末，口水和作餅，納肚臍內，以帶繫之，效，（又方）龍心土三錢，硃砂一分麝香一釐，蜜水調，每服五分。

曲腰啼哭 此受寒腹痛也，淡豆豉，生薑，葱白（細切）鹽共炒熱，以手包熨肚上，立止
遍身奇癢叫啼不止 生葱搗爛稀布包擦，甚效。

初生遍身發黃 此胎中濕熱也，名胎黃，用生地，花粉，茵陳；各一錢煎服。

初生遍身紅赤 此胎中熱毒也，名胎赤，用 生地，花粉，甘草，連翹各一錢，水煎服外用浮萍水苦搗爛

統汁調朴硝豬石敷之。

初生無皮 小兒初生周身赤肉無皮，如懷胎在樓上居住未受地氣者，將兒安於泥地上臥一宿，即長皮矣，
(又方)早稻米磨粉，乾撲之，候生皮乃止。

週身脫皮 此症因生時觸風，滿身皮屑，落下一層又一層，名曰脫殼，若作丹毒火疹治之，則誤矣，宜用
木通，藿香，黃芩，各六分，麥冬錢半加燈草煎服。

而腿生瘡脫皮 兩大腿近小腹處生瘡，皮脫開，漸延小腹則不救，此名胎剝，宜用黃柏炙焦研末，和豬膽
汁煎敷，或用伏龍肝(即竈心土)井水調敷亦可。

身如蛇皮鱗甲 名胎垢，又名蛇胎用白殭蠶(去嘴)爲末，煎湯洗之，或加蛇蛻研末，和入亦可。

初生身如魚泡如水晶 此症破則水流，用蜜陀僧爲末搽之。

瘡似楊梅破爛有孔 凡小兒或頭面遍身形似楊梅瘡，破爛有孔，用飯飯上滴下氣水，以盤盛取搽之，百藥
不效者，用此如神。

紅絲瘤 一人生子一歲，生紅絲瘤而死，連生四子皆然，一醫云，此胃中有伏火胎毒故也，遂令男女服六
味地黃丸後生子皆無此患。

顳門腫大 黃柏末水調，敷兩足心即愈。

頭縫不合 名曰解顛，此腎氣不足也，用乾薑，七錢，細辛，三錢，肉桂，五錢，共爲末，薑汁調敷顛上，小兒面赤即愈。(又方)南星(微泡爲末)醋調攤舊紬上貼顛門，用熱手時時熨之，乾則用熱醋潤溼。(又方)柏子仁，防風(如上法治之)

蛇舌 其舌常捲兩邊口角者是，用明雄研末，點舌數次即安，或用燈心泡水服，重則用川連一分蒸水服即愈。

吐舌 人中白冰片和勻，鵝毛刷上，再用好川連一二分煎服，舌自收入，冰片，雄黃，硃砂共爲末乳調塗舌上亦效。

頸軟 乃肝腎虛風襲入，用生附子去皮臍，生南星，各二錢爲末，薑汁調攤，貼天柱骨上。

痰喘有聲 胡桃(又名核桃)連皮搗爛，麥芽煎水，加冰糖沖服，喘止痰消，或照前引痰法治之更妙。(又方)巴豆一粒搗爛綿裹塞鼻，男左女右，痰即自下，立愈。

喉嘶聲啞 甘草，薄荷，各五分，桔梗，麥冬，各一錢，水煎服立愈。(又方)蝦蟆膽取汁點舌上立愈。小兒病後口不能言 大生南星一個(泡去皮臍)爲末，每用二三分，或四五分，(量兒大小用之)取豬膽汁調濕，再用熱淡薑湯沖服，即能言矣。

兒不食乳 乃心熱也，用大葱頭二個，切四片，用乳汁半盞同蒸，分作四服，即能食乳，此方異常有

妙，（又方）黃連二分，煎湯，灌小兒數匙，即食乳矣，神效，若臍旁青色，及口撮緊者，此臍風症也。

吐乳 米（七粒燒黑）水半酒盃，乳半酒盃，煎至五分服，極效。

缺乳 凡小兒無乳，百物不食，無法可施，屬離核聚於飯上蒸熟，與兒食之，食至飽餘，即思飲食，雖無乳亦可活矣，離核聚即真兩聚，持三五枚，向耳旁搖之，響者即是，無則用大黑聚亦可。

斷乳 山梔（一個燒存性）雄黃，硃砂，各二分，輕粉一分，麝香，一分，共爲極細末，候兒睡著，用麻油將藥調勻，擦兩眉毛上，醒來便不食乳，如不效，再加黃丹五分，再擦，必效，神驗非常。

龜胸 大黃（酒拌九蒸九曬）桑白皮，甜葶藶，熟石膏，各八分，天冬，杏仁，（去皮尖）木通，各錢二分，水煎臥時服，或用蜜爲丸服更妙。

龜背（並治龜胸） 用龜尿摩其胸背，久久自愈，取龜尿法，以鏡對龜照之，即有尿出。（又方）龜尿調首烏末敷背上，日久自愈。

腹痛 小兒驟然腹痛，其症不同，有挾熱而痛者，其痛多緩，或一日只痛數次，甚至或自下而痛上，痛過一陣，則有時不痛，良久又痛，宜用涼藥，加疏利藥治之，有感寒挾食而痛者，其痛多急，連綿少有停止，甚者或如刀割，欲吐不吐，欲瀉不瀉，手足冷，面色青，宜用升發藥，加消導藥急治之，外有蟲痛

者，聞煎灸食物香氣則痛，宜用苦陳皮使君肉等藥，以殺其蟲，則痛自止，按蟲疾類斟酌治之，枳連導滯湯，治熱痛陳枳殼（去皮炒）黃連，山梔仁，（炒黑）各六分，赤芍，前胡，連翹，去心蒂各四分，三稜，莪朮，俱醋炒，檳榔，甘草，各三分，水煎飢服，覺熱盛大便秘者，加酒炒大黃一錢二分微利之三稜莪朮不用亦可。升消平胃散，治感寒挾食痛，小川芎，炒香附，蒼朮，紫蘇，薑汁，炒過厚朴，各五分，藿香，砂仁，（研碎）白芷，陳皮，去白各三分，灸草二分，炒麥芽，六分，山楂肉，一錢，加羌活，防風，各三分，生薑，三片，水煎熱服。

肚腹脹大亮如水晶，用續隨子末五分水冲服，

肚皮忽然青黑 方與上同。

腹中鳴如蛙聲 淡豆豉，生薑，各二錢切碎，葱，五莖，食鹽一兩同炒熱，置臍上熨之效。（又方）葱薑煎濃湯洗肚腹，另用葱薑搗爛炒熱，作餅貼臍上良久即愈。（又方）枳殼一錢，沉香，廣香，各一小點，煎水服（又方）乳香，沒藥，各等分，共爲細末，木香磨水，用滾水調服。

肚臍腫出 小兒月內臍突光腫如吹，捻動微響，赤腫可畏，由斷臍在前，洗浴在後，或束縛不緊，風濕入內所致，用牡蠣煨，大黃，各五錢，朴硝一錢爲末，多用田螺浸水調一二錢敷臍上，其水從小便而消，啼哭不止，用台烏藥煎水服即止（又方）茯苓，車前子，各一錢，甘草，二分，陳皮，通草各三分，共

灌之，一劑即安。（又方）紅飯豆，淡豆豉，南星，（去皮臍），白蘇，各一錢，共爲末，用芭蕉自然汁調敷四旁，即愈。

臍內膿血不乾 龍骨，一錢煨，輕粉，五分，黃連一錢，枯礬，五分，麝香五釐爲末，乾摻臍中。（又方）大紅呢燒灰爲末，敷之效。（又方）馬齒莧焙枯爲末敷之。（又方）草屋上舊茅草研末敷極效。（又方）枯礬，水龍骨，（即舊船底縫中石灰）共爲末敷，甚效。（又方）車前子炒焦爲末敷之即愈。

預防臍風 凡將斷臍必須先用熱湯浴過不使水氣入內，一手握帶，一手向臍推擠三四次，使胞血貫滿臍穴，臍胞寸許，用線紮緊，以磁鋒割斷勿使臍血外流，則兒血旺易育，若弗用割，隔單衣咬斷，又將腰氣呵數口，以免臍風之疾，不用刀者，蓋鐵器寒冷，恐傷生氣也，或用前燒斷之法亦妙。（又方）枯礬，硼砂，各二錢半，硃砂，二分，冰片，麝香，各五釐，共爲末，凡小兒下地洗過後，用此末摻臍上，每日換尿布時，仍擦此末，擦完一料，永無臍風等症。

臍風 小兒生七日內，而赤喘噎，是爲臍風，臍上定起有青筋一條，自臍而上衝心口，若此筋已至心，十難救一二矣，若此筋未至心口時用艾絨在此青筋頭上燒之，此筋即縮下寸許，再從縮下之筋上燒之，此筋即消而病痊矣，屢試屢驗，艾圓不過如小黑豆大，或麥子大，用燈火燒之亦可，又牙齦有小泡，以綿裹指擦破即活。（又方）雞蛋白用手指蘸擦背心，良久有毛出刺手，長分許即止，若長至寸許，用紬包緊

，俟有轉機，再搽兩太陽及口角，則口自開矣，神效。(又方)小兒初生，爲臍風最爲惡候，或因剪臍太短，或結束不緊，致外風侵入臍中，或水濕寒冷所乘，告人有防臍風之訣，謂三朝一七，看兒兩眼角黃，必有臍風，此法尙恐未確，惟摸兒兩乳，乳內有一小核，是其候也，然乳內有核發臍風者固多，亦竟有不發者，此法亦有三四分不確，自應輕輕將乳核擠出白漿自愈，惟看小兒不時噴嚏，更多啼哭，吮乳口鬆，是真候也，急用夏禹錫先生臍風燈火救之。其訣曰，臍風初發，吮乳必口鬆，兩眼角挨眉心處，忽有黃色，宜急治之，黑色到鼻，治之仍易，到人中承漿，治之稍難，口不撮，微有吹噓，猶可治也，至唇口收束鎖緊，舌強頭直，不必治矣，一見眉心鼻準有黃色吮乳口鬆，神情與常有異，即用燈草蘸香油乾濕得中，點燃於臍門燒一焦，人中承漿兩手大姆指端少商各燒一焦臍輪繞臍燒六焦，臍帶未落於帶口燒一焦既落於落處燒一焦，共一十三焦，風便止而黃即退矣，神效非常。

小兒中惡以及痰閉火閉氣閉陡然卒死 一時無藥即以大拇指掐人中穴，病輕者一指即啼哭而醒，儻不應再掐合谷，(穴在大指二指合縫處)又不應掐中衝(穴在兩中指端離甲處)若再不應其病至重，則以艾丸如蘿蔔子大安於中衝穴灸之，火到即活。

小兒初發瘡疾 名曰胎瘡，每日冰糖，五錢，煎湯飲之，雖隔兩日發瘡一次，十日必愈，或以蟬退二兩，包好作枕，與兒睡之，其瘡亦止，神效之至。

吐瀉（與脾胃及泄瀉各門參看）

小兒吐瀉，其證不一最宜詳審，有因傷食吐瀉者，有因感寒停食而吐瀉者

，夏月則有因伏暑吐瀉者，傷食吐瀉者，其吐有酸氣，其瀉糞狀如精粕，亦有酸臭氣者，宜消導之，感寒停食而吐瀉者，或食後感冒風寒，則其食停滯不化，或脾胃先受風寒而後飲食，則其食亦停滯不化，或飲食後悞食寒冷之物，則其食亦停滯不化，雖致病不同，其爲感寒停食則一也，此宜發散而兼消導，然此吐瀉或多胸腹刺痛，即霍亂吐瀉是也，治法亦同，伏暑吐瀉者，小水必不利，必兼煩渴，當以暑治之，吐甚者煎香薷散，調益元散，瀉甚者煎四苓散調益元散，須斟酌用之，然而吐瀉交作，最是小兒危證，若有屢作不止，則不論何因，皆當用參朮等急救胃氣，不惟傷食停食者當急救之，即伏暑者亦當急救之，蓋其初雖有暑氣，而多吐多瀉之後，則熱氣已散，而胃氣驟虛，若不用溫補急救恐中氣頓絕，則虛痰上湧，而須臾告變矣，且多吐之後，胃氣大虛，氣不歸元，而陽浮於外，反有面赤頭熱身熱作瀉而似熱症者，俗醫不知其理，悞認爲熱，而投以涼藥，殺人如反掌，甚可畏也，故治吐瀉而藥不中病者，與其失之寒涼，不若失之溫補，猶可救療，失之寒涼，其禍甚速多不及救也，加味平胃散，治傷食吐瀉，蒼朮（淘末水浸）厚朴（去皮薑汁炒）山查肉各六分，陳皮（去白）青皮，麥芽（炒），香附米（炒），砂仁（研），小川芎各四分，甘草炙二分，生薑三片，水鍾半，煎七分，分二三次緩緩服，藿香和中湯，治感寒停食吐瀉，藿香，紫蘇，炒香附，製蒼朮，製厚朴，山查肉，小川芎各六分，羌活，砂仁，麥芽（炒）

，白芷，陳皮(去白各四分)，炙甘草二分，生薑三片，煎服法俱同前，香薷散，以下三方伏暑吐瀉用，真大花香薷二錢，白扁豆(炒去殼打碎)，製厚朴各一錢，水煎，候微溫，調益元散二匙服，四苓散，赤苓去皮，豬苓，澤瀉各一錢二分，白朮八分，木通，車前微炒各五分，水煎候溫，調益元散二三匙，辰砂益元散，滑石飛過六兩，甘草末一兩，辰砂飛過三錢共和勻，每服小兒一錢，大人二錢，燈心湯下，錢氏白朮散，治吐瀉已久虛火作渴者，黨參，白朮，茯苓，炙草，乾葛各五分，南木香二分，薑三片，水煎溫服，參砂和胃散，治虛寒嘔吐不止，黨參，砂仁(研細)製半夏各四分，白朮(土炒)，茯苓各五分，藿香，陳皮各三分，炙草二分，煨薑(去皮三片)，水煎熱服，薑米湯，吐多而胃氣欲絕者，用此安胃，老生薑一塊，(重一兩多)煨熟去皮研爛用水一碗，陳米二撮同入瓦罐煎好候溫緩緩與服，其嘔即止，凡嘔吐交作者，止吐爲急，吐而不瀉者，均用生薑米湯最效，燒針丸，治吐瀉如神，黃丹水飛，硃砂水飛，枯礬，各等分爲末，紅棗爲丸黃豆大，每服三四丸，戳針尖上，燈火上燒存性，研爛，淘米調服，瀉者食前服，吐者不拘時服，外用綠豆(磨成粉)調雞蛋白，吐者敷兩足心，吐者敷臍門神效。

暑月水瀉 凡小兒暑月水瀉，小便赤澀，或小便不通，用結豬苓一錢，赤苓，澤瀉各一錢，木瓜五分，白朮六分，木通八分，車前子四分略炒，燈心一團，水煎加鹽少許，饑時服，小便自通，其瀉亦止。小兒初生陰囊過大 凡小兒新生陰囊甚大，名曰胎瘤，日後長成，恐變水疝，如過滿月外，或一歲以內煎湯